





242A

DIE IX. FEBRUARII.

IN FESTO

# S. CYRILLI EPISCOPI ALEXANDRINI,

CONFESSORIS ET ECCLESIE DOCTORIS.

DUPLEX.

Omnia de Comm. Confessoris Pontificis, præter sequentia.

In Hymno Iste Confessor... mutatur tertius versus.

In utrisque Vesperis ad Magnificat, Ant. O Doctor...

ORATIO.

Deus, qui beatum Cyrillum Confessorem tuum atque Pontificem divinæ maternitatis beatissimæ Virginis Mariæ assertorem invictum effecisti: concede, ipso intercedente; ut qui verè eam Genitricem Dei credimus, materna ejusdem protectione salvemur. Per eundem Dominum...

IN I. NOCTURNO.

Lectiones de Scriptura occurrente: in Quadragesima, Sapientiam... pro Doctoribus.

IN II. NOCTURNO.

*Lectio IV.*

Cyrillus Alexandrinus, cujus præconia non unius tantum vel alterius sunt comprobata testimonio, sed etiam œcumenicorum Conciliorum Ephesini et Chalcedonensis actis celebrata, claris ortus parentibus, ac Theophili Episcopi Alexandrini nepos, adhuc adolescens præce-

lèntis ingenii clara specimina dedit. Litteris ac scientiis egregiè imbuitus, ad Joannem Episcopum Hierosolymitanum se contulit, ut in Christiana fide perficeretur. Alexandriam deinde cum redisset, Theophilo vita functo, ad illius sedem evectus est, quo in munere ita optimi pastoris formam ab Apostolo definitam constanter præsetulit, ut sanctissimi præsulis gloriæ merito sit adeptus.

¶. Inveni David...

*Lectio V.*

Salutis animarum zelo incensus curas omnes intendit, ut sibi commissum gregem in fidei et morum integritate servaret, atque a venenatis infidelium et hæreticorum pascuis defenderet. Hinc tum Novati asecelas e civitate expelli, tum judæos qui furore acti in cædem christianorum conspiraverant, juxta leges puniri satègit. Singulære verò Cyrilli pro Catholicæ fidei incolumitate enituit studium contra Nestorium Constantinopolitanum Episcopum, asserentem Jesum Christum ex Mariâ Virgine hominen tantum et non Deum natum, eique divinitatem pro meritis esse collatam; cujus emen-

dationem cum frustra tentasset, eum sancto Cœlestino Pontifici Máximo denunciavit.

¶. Pôsui adiutorium...

### Lectio VI.

Cœlestini delegata auctoritate, Concilio Ephesino præfuit, in quo hæresis Nestoriána pœnitens proscripta est, damnatus Nestorius et a sua sede dejectus, ac dogma catholicum de una in Christo, eaque divina gloriósæ Virginis Mariæ maternitate assertum, plaudente populo universo, qui incredibili gaudio gessit, collucens facibus domum deduxit Episcopos. Sed hac de causa Cyrillus calumniis, injuriis et persecutiõibus plurimis a Nestorio ejusque fautoribus impetitus fuit; quas ipse patientissimè tulit, ita ut de sola fide sollicitus, quidquid adversus eum

effutiébant ac moliebántur hæretici, pro nihilo haberet. Tandem pro Ecclesia Dei máximis perfunctus laboribus, plurimisque scriptis editis tum ad ethnicos et hæreticos confutandos, tum ad sacras scripturas et catholica explananda dogmata, sancto fine quievit anno quadringentesimo quadragésimo quarto, episcopatus trigésimo secundo. Leo Décimus tertius Pontifex Máximus Officium et Missam præclarissimi hujus fidei catholicæ propugnatoris et Orientalis Ecclesiæ luminis, ad Ecclesiam universam extendit.


¶. Iste est qui ante...


### IN III. NOCTURNO.

Lectio de Hom. S. Augustini Episcopi Ostendit Dominus... in Evangelium Vos estis sal terræ .. pro Doctoribus, cum viii. ¶. In medio...


MALACÆ.

ET OFFICINAM OLIM MARTINEZ DE AGUILAR.  
TIPOGRAPHI BIBLIOPOLÆ, NUNC AUTEM AMBROSII RUBIO  
EJUS SUCCESSORIS.









ESTR. DE LA BIBLIOTECA DIAZ ESCOBAR

ESTR. DE LA BIBLIOTECA DIAZ ESCOBAR

SANTOS

DE

MIASAGA

ESTR. DE LA BIBLIOTECA DIAZ ESCOBAR

ESTR. DE LA BIBLIOTECA DIAZ ESCOBAR

BIBLIOTECA DIAZ ESCOBAR

N.º 58

Quinta de Tula

960

ESTR. DE LA BIBLIOTECA DIAZ ESCOBAR

ESTR. DE LA BIBLIOTECA DIAZ ESCOBAR